

RAMIRO ISLA - COUTO

APARTADO 1548
CARACAS

10 de Noviembre de 1954

Benquerido irmán i-amigo:

Por correio aéreo enviei-che eixemprares do Suplemento Literario do "El Universal" -o xornal de maior circulación en Caracas- e da revista "ELITE" a de maior difusión de Venezuela.

Conseguiuse de momento, e como proba, un artigo mensual en cada unha das pubricacións devanditas.

"El Universal" paga 45 bolívares (unhos 15 dólares) e "Elite" entre 75 e 100 bolívares, según o intrés que teñan.

Para "El Universal" é preferibel o artigo corto e si é mester ilustralo ten que sere con unha soia ilustración, salvo casos especiales. Silvio Santiago, un gran galego, dono da publicidade Iberia que é o que consigue isto, me encarrega che diga que convén lle busques tidoos ben literarios, modernos, moi intelectuales, pra iles é un oitenta por cento d'el-sito. Eu nonosei si me eisprico ben, pero coido que me entedes perfectamente.

En "Elite", revista esencialmente de familias, o el-sito hai que buscal-o más que nada entre as mulleres. Amores célebres, aventureiras e amantes da hestoria, etc. etc., enfin ti verás. Eiquí pódese ser más longo e con varias ilustracións si fosen percisas.

Isto non é definitivo. Silvio estaba traballando a colaboración no "El Nacional", pero o que se encarrega das colaboracións anda de viaxe fai bastantes meses polo estranxeiro, e como non acaba de chegar, ante a insistencia miña fixo estas xestións, que non perxudican nada as futuras, porque ista colaboración de agora sirve para darse a coñecer. Logo virán outras cousas.

E agora outra cousa. Che vou a enviar os dous derradeiros números de "Galicia" de Caracas. Polo adicado ao Dia de Galicia ollarás que Otero Pedrayo ia a vir a dar unhas conferencias e invitado polo Centro Galego ia a presidir os actos da Nosa Festa. As autoridades franquistas non o leixaron vir porque dín que iste Centro é enemigo do réxime. Con tal motivo, vaise a publicar un número extraordinario en homaxe a Otero. Polo entusiasmo que espertou en Galicia vai resultar unha cousa monumental, tanto, que o Centro Galego asustou-se ante o costo que lle supón, e como se fundou fai pouco tempo un Patronato da Cultura Galega, se fixo cárrego do asunto, e hai un entusiasmo tolo por levar a cabo a obra. Calcúlanse soio de Galiza unhos 50 traballos, que xa están chegando con fotos dibuxos etc.

Non queremos que falle a túa colaboración, tes tempo até os primeiros días de Decembro próximo, pois pénse metelo na imprensa a segunda semán de dito mes.

E nada máis, non escribín antes porque estou traballando como unha fera, visitando médicos, boticas, viaxando etc. e eiquí o traballo é moi duro, sobre tudo o de visita, e os transportes feitos un desastre, que se perde máis tempo nisto que no demáis. Isto é o que me impide escribir-che. Esquecia-me, tamén che vou a enviar os selos ofrecidos que os estou separando aos poucos.

Meus respetos a dona, agarimos aos pequenos e unha saudosa aperta do teu